



FONDACIJA
ZA KINEMATOGRAFIJU
SARAJEVO

Na osnovu člana 8. Statuta Fondacije za kinematografiju V broj: 542/2008 od 18.06.2008. godine i 02-82/09 i 02-173/09, Upravni odbor Fondacije za kinematografiju, na sjednici održanoj 23.11.2011. godine donio je

**PRAVILNIK
O IZMJENI I DOPUNI PRAVILNIKA O PROCEDURAMA I KRITERIJIMA
ZA IZBOR KORISNIKA SREDSTAVA
FONDACIJE ZA KINEMATOGRAFIJU**

Član 1.

U Pravilniku o procedurama i kriterijima Fondacije za kinematografiju broj 02-6/10 od 4.1.2010. godine u nakon člana 13. dodaju se novi članovi 13a, 13b, 13c i 13d koji glase:

“Član 13a.

Za podsticanje stvaranja scenarističke građe i time kvalitetnijih filmskih projekata, Fondacija može izdvajati sredstva za sufinansiranje razvoja dugometražnih filmova.

Sredstva za ovu vrstu filmskog stvaralaštva raspoređuju se Konkursom u okviru sredstava za Sufinansiranje dugometražnih igranih filmova.

Sredstva koja se mogu izdvajati za projekat iz ove pozicije su jednokratna .

Pored općih uvjeta iz člana 11. ovog Pravilnika i obavezne dokumentacije iz člana 12. ovog Pravilnika posebni uvjeti i dokumentacija koje treba dostaviti, da bi se ovakav projekat mogao prijaviti na Konkurs Fondacije su:

- da je autor prijavljenog projekta državljanin Bosne i Hercegovine ,
- da se radi o produkcijski izvedivom projektu,
- da se radi o projektu sa relevantnom umjetničkom vrijednošću,
- da je scenarij u trenutnoj fazi razvoja - najmanje prva verzija,
- da posjeduje pismo namjere autora,
- biografija/filmografija pisca scenarija, režisera i producenta,
- spisak proizvedenih filmova producerske kuće, odnosno pravne osobe podnosioca prijave.

Član 13b.

Fondacija može izdvajati sredstva za sufinansiranje razvoja dugometražnih filmova bez obaveze da finansira realizaciju filma.

Fondacija će provoditi analizu programa podrške razvoju projekata svakih 5 godina s ciljem ocjene uspješnosti pojedinih producenata da realizuju projekte koje su prijavili na Fondaciju.

Član 13c.

Sredstva koja je Fondacija izdvojila za sufinansiranje razvoja dugometražnih filmova su bespovratna. Obaveza producerske kuće, odnosno pravne osobe kojoj su odobrena sredstva je podnošenja izvještaja o namjenskom utrošku sredstava.

Član 13d.

Sredstva koja je Fondacija izdvojila jednoj producerskoj kući, odnosno pravnoj osobi kojoj su odobrena sredstva za projekat sa pozicije sufinansiranje razvoja dugometražnih filmova predstavljat će dio od ukupnih sredstava koja bi se dodjelila projektu ako sa istim aplicira na narednom Konkursu za produkciju dugometražnog filma.”

Član 2.

Ovaj Pravilnik stupa na snagu danom donošenja,

Broj: 02-125/11

Datum: 23.11.2011. godine

**PREDSJEDNIK
UPRAVNOG ODBORA**

Amer Kapetanovića